

H Y M N U S II.

- II, 1. Deus qui coeli lumen es  
satorque lucis qui polum  
paterno fultum brachio  
praeclara pandis dextera.
2. Aurora stellas jam tegit  
rubrum sustollens gurgitem  
humectis namque flatibus  
terram baptizans roribus.
3. Currus jam poscit phosphorus  
radiis rotisque flammeis  
quod coeli scandens verticem  
profectus moram nesciens.
4. Jam noctis umbra linquitur  
polum caligo deserit  
typusque Christi lucifer  
diem sopitum suscitanus.
5. Dies dierum agius es  
lucisque lumen ipse es  
unum potens per omnia  
potens in unum trinitas.
6. Te nunc salvator quaesumus  
tibique genu flectimus  
patrem cum sancto spiritu  
totis rogamus vocibus.
7. Pater qui coelos contines  
cantemus nunc nomen tuum  
adveniat regnum tuum  
fiatque voluntas tua.